

**BELDUR  
BARIK**  
#LEHIAKETA

# BELDUR BARIK JARRERA 2015 LEHIAKETAREN OINARRIAK



ANTOLATZAILEA  
ORGANIZA



Ayuntamiento  
de Vitoria-Gasteiz  
Victoria-Gasteizko  
Udala



EMAKUNDE  
EMAKUMEEN ELKARTEA  
FORUEN BARRIAN  
FOROEN BARRIAN

BULTZATZAILEAK  
IMPULSAN



BFA  
DFB  
Beltziko Foru Aldundia  
Deputazio Foru de Alava



Gipuzkoako Foru Aldundia



Arabako Foru Aldundia  
Deputazio Foru de Alava



EUEDEL  
EMAKUNEAN OINARRIAK  
EMAKUNEAN OINARRIAK



BERDINSAREA

LAGUNTZAILEAK  
COLABORAN



Euzko Jaurlaritzaren  
Gobernua  
GOBIERNO VASCO  
GOBIERNO VASCO



Universidad  
del País Vasco  
Euzko Herriko  
Unibertsitatea



eitb

# 1. LEHIAKETAREN HELBURUAK



Beldur Barik programak Beldur Barik Jarrera! lehiaketaren 6. edizioa antolatu du. Lehiaketa honetan, emakumeek jasaten duten bereizkeria-egoerari aurre egiten dioten neska-mutilen arte-adierazpen mota oro onartu, baloratu eta bultzatzen da. Lan horiek errespetuan, berdintasunean, askatasunean, autonomian, erantzukizunean eta indarkeria sexistaren gaitzespen irmoan oinarritutako jokabide eta jarrerak izan behar dira.

Parte hartzen duten proiektuek Beldur Barik jarrera islatu behar dute. Emakumeen aurkako indarkeria mota guztiak gainditzeko, eta harreman askeak, errespetuzkoak, parekideak, anitzak eta ez-sexistak eraikitzeke konpromiso pertsonal eta kolektiboa erakutsi behar dute. Kalitate tekniko edo artistikoaren gaintek, mezuaren kalitatea baloratuko da, nesken ahalduntzetik gogoetak eta eztabaidak sortzeko gaitasuna, eta mutilen konpromisoamatxismoaren aurka.

## Zer da Beldur Barik Jarrera?

1.Emakumeen aurkako indarkeria mota guztiak gainditzeko, eta harreman libre, errespetuzkoak, parekideak, anitzak eta ez-sexistak eraikitzeke konpromiso pertsonal edo kolektiboa.

2.Neskak ahalduntzea eta beraien autodefentsarako gogoetak zein eztabaidak sortzen dituzten mezuak.

3.Mutilek, banaka nahiz taldean, ezberdintasunezko eta indarkeriazko egoeren aurrean jarrera aktibo eta konprometitua dutela erakusten dituzten mezuak. Sexismoaren aurkako jarrera aktiboa eta arduratsua sustatzen dituzten mezuak, korporatibismo maskulinoarekin haustearekin batera.

4.Indarkeriaz hitz egiterakoan, estereotipoak gainditu behar dira. Hau da, ez da bikotekidearengandik edo bikotekide ohiarengandik datorren indarkeria fisikoaz bakarrik hitz egin behar. Balioetsiko da jende gazteak egunerokoan bizi dituen indarkeria sexistaren adierazpenak, testuinguruak eta espazioak identifikatzea.

5.Beldur Barik Jarrera proposatzea indarkeria matxistaren aurrean, drama, sensazionalismoa edota emakumeak biktima baliogabetu gisa aurkezten dituzten mezuak gaindituta.

6.Ikusgarri egitea ezberdintasunak indartzen dituzten faktoreak, eta baita kultura matxistak erabiltzen dituen indarkeria mota desberdinak ere.

7.Estrategia argiak proposatzea ezberdintasunei zein indarkeria sexistari aurre egiteko.

8.Originalak izan behar dira, bai tonuan, bai gaien, bai mezua emateko moduan.

Adierazpen artistiko mota oro onartuko da, baldin eta ikus-entzunezko formatuan aurkezten bada: flashmob, kamera aurrean errezitatutako poemak edo irakurritako gogoeta-testuak, argazkiak, argazki-muntaiak, fotonobelak, lipdubak, dantza, film laburrak, animazio proiektuak, proiektuak edo artelanak bideoan aurkeztea, performanceak eta kaleko esku hartzeak, etab.

## 2. PARTE HARTZAILEAK



Euskal Autonomia Erkidegoko 12 eta 26 urte arteko neska-mutilek parte hartu ahal dute, bi kategoriatan:

**1. kategoria: 12 – 17 urte**

**2. kategoria: 18 – 26 urte**

Banaka zein taldeka parte hartu ahal da, ikastetxe gisa, ikasgela gisa edo elkarte gisa.

Taldeko norbaitek 18 urte edo gehiago baditu, proiektua 2. kategorian sartuko da zuzenean.

Lehiaketan aurkezten diren 18 urtetik beherako gazteek oinarri hauetako **1. edo 2. eranskina** bete eta aurkeztu behar dute. **(informazio gehiago oinarrietako 5. puntuan).**

## 3. AURKEZTU DAITEKEEN PROIEKTU KOPURUA

Pertsona eta talde bakoitzeko, gehienez, 3 proiektu aurkeztu daitezke.

## 4. AURKEZTEN DIREN PROIEKTUEK BETE BEHAR DITUZTEN BALDINTZAK

- Proposamenek lehiaketaren helburuari erantzun behar diote: indarkeria sexista prebenitzea. Proposamenen edukiek helburuarekin zerikusirik ez badute, edo horren aurka egin zein kalterakoak badira, lehiaketaren antolatzaileek lana ez onartzea erabaki dezakete.
- Proposamenak originalak izan behar dira, hau da, inori plagiatu edo kendu gabekoak. Horren susmorik badago, autoreta frogatzeko eskatu ahalko da.
- Proiektuak ezin izango dira izan beste jaialdi edo lehiaketa batzuetara aurkeztutakoak.
- Piezak euskaraz, gaztelaniaz, bietan, edo beste hizkuntza batean aurkeztu ahal dira (azken kasu horretan, euskarazko edo gaztelaniazko azpituluekin).
- Proiektuek gehienez 5 minutu iraungo dute, kreditu-tituluak barne.



- Musika edota irudiak erabiliz gero, egile-eskubiderik gabekoak erabiltzea gomendatzen da (hau da, copyleft lizentzia daukatenak, edo zuek sortuak direnak). Egile-eskubideak dituzten abestiak edo irudiak erabiliz gero, parte hartzaileak bere gain hartuko ditu bideoa igo deneko plataformak edo autoretza eskubideak dituenak bideoaren aurka hartutako neurriak. Era berean, egiaztatzen bada jabetza intelektualaren araudiaren urraketa sortu dela, antolakuntzak lana ez onartzea erabaki dezake.
- Proiektu guztiak ikus-entzunezko formatuan aurkeztu behar dira, bideo-plataforma baterako esteka bat jarritz (Youtube edota Vimeo).

## 5. NOLA PARTE HARTU

Deialdi honetan parte hartu nahi duten pertsonak osorik bete beharko dute [www.beldurbarik.org](http://www.beldurbarik.org) webgunean dagoen formularioa (lehiaketaren atalean, oinarri hauekin batera). Behin formularioa beteta eta plataforma bidez igorrita, mezu bat azalduko da WEB gunean adieraziz izen ematea modu egokian egin dela. Horretaz gain, erantzun automatikoa bidaliko da erraztutako email helbidera baieztatzeko lana jaso dela.

Dena den, lehiaketan parte hartzeko baldintza guztiak betetzen direla egiaztatu arte (lehiaketako oinarrien 4. atala), Beldur Barik Jarrera! -ko antolatzaileek ez dute lana Beldur Barik webgunean ez eta sare sozialetan ere, erakutsiko.

Beste betekizun batzuk:

- Lehiaketara aurkeztutako edozein projektutan 18tik urtetik beherakorik egotekotan, oinarri hauetako 1go eranskina egoki bete eta aurkeztu beharko du. (\* ikusi salbuespenak).
- Pertsonaren edo taldearen izena, kategoria eta udalerrria bideoaren barruan edota Youtube edota Vimeo plataformetako deskribapenean adierazi behar dira.
- Sinatutako baimenak web bidez betetako formularioan erantsi beharko dira, dagokion atalera igota.

*\* Salbuespenak: Taldeko lana eskola edo ikasgela gisa aurkezten bada, 2. eranskina erantsi web bidezko formularioan. Dokumentua betetzearen ardura zentroarena izango da, kontuan izanik ikastetxea delaadingabekoen baimenak kudeatzearen arduraduna.*

*Lana elkarte edo gazteleku gisa aurkezten bada, jardueraren arduradunak jaso behar ditu baimenak eta denak batera bidali.*

## VITORIA-GASTEIZKO LEHIAKETA

Goian azaldutako erkidegoko lehiaketaren baldintzez gain, Vitoria-Gasteizko 5. lehiaketa honetan parte hartu nahi dutenek udalerrian bizi behar dute.

Proposamenak banaka edo taldeka aurkeztu behar dira. Taldeen kasuan, taldeko kideren batek 2. mailakoei dagokien adina badu, aurkeztutako lana kategoria horretan sartuko da automatikoki.

Deialdi honetan parte hartu nahi duten pertsonak [www.beldurbarik.org](http://www.beldurbarik.org) webgunean dagoen formularioa osorik bete beharko dute (lehiaketaren atalean, oinarri hauekin batera). Behin formularioa beteta eta plataforma bidez igorrita, mezu bat azalduko da WEB gunean adieraziz izen ematea modu egokian egin dela. Horretaz gain, erantzun automatikoa bidaliko da erraztutako email helbidera baieztatzeko lana jaso dela.

**Udalak antolatutako lehiaketara aurkeztu diren lanek erkidegoko sarietan ere parte hartuko dute automatikoki.**

## 6. JASOTZEKO EPEA



Lehiaketa irekitzeko eta lanak jasotzeko epea 2015eko irailaren 11n hasiko da eta 2015eko azaroaren 11n amaituko da (biak barne).

### BERTAKO LEHIAKETA

Bertako lehiaketara aurkeztutako lanak jasotzeko epea 2015eko azaroaren 11n amaituko da (egun hori barne).

## 7. SARIAK

1.kategoriako saria: 500 €

1.kategoriako aipamen berezia: 300 €

2. kategoriako saria: 500 €

2. kategoriako aipamen berezia: 300 €

Saria ikus-entzunezko ekoizpen onenari\*: 300 €

Herriaren saria\*\*: 300€

*Goian deskribatutako sariei zerga-atxikipen egokia aplikatu zaie dagoeneko. Udalerriek antolatzen dituzten lehiaketa edo sariak ez dute kenduko lehiaketa honetan parte hartzeko aukera.*

*\* Ikus-entzunezko ekoizpen onenaren saria Beldur Barik Jarrera! mezua adierazteko kalitatezko baliabideak edota kode artistikoak erabiltzen dituen lanari emango zaio (bi kategorietako edozeinetan aurkeztua).Lehiaketako antolakuntzak saria hutsik izendatzeko eskubidea du.*

*\*\* Herriaren saria bi kategorietako edozeinetan aurkeztutako lanei ematen zaien saria da. Lan horiek Beldur Barik Jarrera! lehiaketako antolatzaileek aurretik hautatutakoen artean egon behar dira.*

### BERTAKO SARIAK

Vitoria-Gasteizko Udalak ondoko sariak emango ditu:

#### Lehen kategoria, 12-17 urte:

Lehenengo saria: 300€

Bigarren saria: 200€

Aipamen berezia: 100€ (epaimahaiak sari hau egokitzen jotzen badu soilik).

#### Bigarren kategoria, 18-26 urte:

Lehenengo saria: 300€

Bigarren saria: 200€

Aipamen berezia: 100€ (epaimahaiak sari hau egokitzen jotzen badu soilik).



## 8. EPAIMAHAIA



Antolakuntzak epaimahai bat izendatuko du. Epaimahaia osatzen duten pertsonak proiektu honi lotutako erakundeetako ordezkariak, eta sormenaren, kulturaren eta hezkuntzaren munduetako eta berdintasun politiken alde eta emakumeen aurkako indarkeriaren kontrako borrokan aritzen diren emakume feministak osotuko dute.

Epaimahaiaren eginkizuna da bi kategorietan aurkeztutako lanei buruz eztabaidatzea eta proiektu irabazleak zein aipamen bereziak hautatzea.

Epaimahaiaren erabakiei ezin izango zaie aurka egin.

### **BERTAKO EPAIMAHAIA:**

Gasteizko gazteek aurkeztutako proposamenak aztertzeko eta sariak emateko, Vitoria-Gasteizko Udalak epaimahai bat izendatuko du. Epaimahai hori berdintasun politketan eta emakumeekiko indarkeriaren aurka lan egiten duten zenbait pertsonak osatuko du. Erabakia jendaurrean jakinarazten denean esango dute zeinek osatzen duen epaimahai hori.

Ezin izango zaie aurka egin epaimahaiak hartutako erabakiei.

## 9. EPAIMAHAIAREN EPAIA

Proiektu irabazle guztien epaia jakitera emango da azaroaren 28an, AMURRIOko udalerrian ospatuko den Beldur Barik topaketan.

Bestalde, herriaren saria herri bozketa bidez izendatzeko funtzionamendua honako hau izango da:

- Epaimahaiak alde aurretik egingo du aurkeztutako bideoen aukeraketa bat, Beldur Barik Jarrera irizpideak, oinarrien lehen puntuan jasota datozenak, modu egokian adierazten dituzten lanekin, hain zuzen ere. Horiek izango dira herri bozketara pasatuko diren lanak.
- Herriaren saria irabaziko du azaroaren 25eko 23:59tan bozka gehien lortu dituen lanak. Data eta ordu horretan bozketa prozesua itxi egingo da.
- Bozketa Beldur Barik webgunetik jarraitu ahal izango da eta Facebook, Twitter eta Instagram bidez hedatuko da.
- Herria saria irabaziko du azaroaren 25ean, 23:59etan, boto gehien eskuratu dituen lanak irabaziko du.
- Prozesuan irregulartasunik aurkitzen bada (webguneko hackeoa, email masiboak sorrarazteko aplikazioen erabilera, webgunearen identitatearen ordezkapena), herria saria hutsik gera liteke.

### **VITORIA-GASTEIZKO UDALAK HARTUTAKO ERABAKIA:**

Udal lehiaketaren sariak 2015eko azaroaren 20an emango dira jakitera Montehermoso Kulturunean. Irabazleei zuzenean jakinaraziko zaie eta [www.vitoria-gasteiz.org/berdintasuna](http://www.vitoria-gasteiz.org/berdintasuna) web orrian emango dira argitara.

# 10. LEGE-ALDERDIAK



Lehiaketako pertsona parte hartzaileek beren ikus-entzunezko proiektuen eskubideak dohainik lagatzen dituzte komunikazio publikorako, erreproduktzioarako, hedapenerako eta eraldaketarako, Beldur Bariken katalogoetan, karteletan edota sustapen-piezetan jartzeko, baita proposamenak [www.beldurbarik.org](http://www.beldurbarik.org) webgunean eta sare sozialetako komunikazio kanalean erakusteko ere, maila globalean nahiz tokiko mailan.

Antolatzaileek eskatzen badute, parte hartzaileek beren lan edo proposamena Beldur Barik Topaketan erakutsi, antzeztu edo aurkeztuko dute.

Lehiaketako antolatzaileek ez du erantzukizunik bere gain hartzen baldin eta bidaltzen zaizkion proposamenetan inoren egile-eskubideak urratzen badira; bideoa bidali dutenek izango dute erantzukizun osoa, erreklamaziorik baldin badago. Era berean, parte hartzaileek beren autoretza frogatu beharko dute antolatzaileek hala eskatuz gero.

Lehiaketaren antolatzaileek sariak hutsik utz ditzakete.

**EMAKUNDEK**, indarrean dagoen **Datu Pertsonalak Babesteari buruzko abenduaren 13ko 15/1999 Lege Organikoa** betez, jakinarazten dizuzuk emandako datu pertsonalak Emakunde-Emakumearen Euskal Erakundearen jabetzako datu pertsonalen fitxategi automatizatuetan sartuko direla. Fitxero honetako datuen erabilerabakarra, zeinak ez diren esleituko hirugarren batzuei, Emakunde-Emakumearen Euskal Erakundera mugatzen da.

Nahi baduzu datuakeskuratzeko, zuzentzeko, deuseztatzeko eta aurkaratzeko eskubideak gauzatu ahal dituzu, Legean aurreikusitakoari jarraituz. Horretarako Emakunde-Emakumearen Euskal Erakundera jo dezakezu (k/ Manuel Iradier 36, 01005 Gasteiz).

# 11. ANTOLAKETA

Emakundek antolatu du, eta Bizkaiko, Gipuzkoako eta Arabako aldundiek, Berdinsareak eta EUDELe bultzatzen dute, Eusko Jaurlaritzako Hezkuntza, Hizkuntza Politika eta Kultura Sailaren, Euskal Herriko Unibertsitatearen eta EITBren laguntzaz.

Informazio gehiago hemen: [www.beldurbarik.org](http://www.beldurbarik.org) eta [jarrera@beldurbarik.org](mailto:jarrera@beldurbarik.org)

Harremanetarako: 645 73 72 03

## **BERTAKO LEHIAKETA:**

Vitoria-Gasteizko Udaleko Berdintasunerako Zerbitzuak antolatuta.

Informazio gehiago ondoko orrietan:

[www.vitoria-gasteiz.org/berdintasuna](http://www.vitoria-gasteiz.org/berdintasuna) eta [www.beldurbarik.org](http://www.beldurbarik.org)

945 16 13 45



# 1. ERANSKINA



**AMAREN EDOTA AITAREN, TUTOREAREN\* BAIMENA ADINGABEKOEK BELDUR BARIK LEHIAKETAN PARTE HAR DEZATEN.**

LEHIAKETAN PARTE HARTZEN DUEN PROIEKTUAREN IZENBURUA: .....

.....andreak/jaunak, adinez nagusi,.....zenbakidun NAN duena, eta.....jaunak/andreak, adinez nagusi,.....zenbakidun NAN duena, helbidea.....n dutenak,.....telefono zenbakiarekin, .....adingabekoaren (.....urte dituen eta.....e-maila duena) ama / aita (edo tutore), eta beraz, legezko ordezkari, diren aldetik.

## ADIERAZTEN DUGU

Ohorerako, Norbanakoaren eta Familiaren Intimitaterako, eta Norberaren Irudirako Eskubidearen Babes Zibilari buruzko maiatzaren 5eko 1/1982 Lege Organikoan ezarritakoa betetzeko,

BAIMENA EMATEN DIOGU, BERARIAZ, gure.....alabari/semeari, Beldur Barik Lehiaketan parte hartzeko, emakumeen aurkako indarkeriaren prebentziorako, eta lehiaketaren oinarriak onartzen ditugu.

Ados gaudela adierazteko hori guztia sinatzen dugu

.....n, .....(e)ko .....aren .....(e)(a)n

\* *Gaztearen guraso-ahala duten pertsonak baimena sinatu behar dute (bi badira, biek; zaintza eta babespea guraso bakarrak badauzka, nahikoa da beraren baimena). Izatezko edo zuzenbidezko banantzeen eta dibortzioen kasuetan, zaintza eta babespea dagozkion pertsonak sinatu beharko du.*

## 2. ERANSKINA



IKASTETXEAREN EDO ELKARTEAREN BAIMENA BELDUR BARIK LEHIAKETAN ADINGABEKOEK PARTE HARTU AHAL IZATEKO.

LEHIAKETAN PARTE HARTZEN DUEN PROIEKTUAREN IZENBURUA:.....  
.....andreak / jaunak, adinez nagusi,..... NAN zenbakiarekin,  
helbidea .....n, .....telefono-zenbakia eta  
.....e-maila dituenak, ..... ikastetxearen  
edo elkartearen arduraduna den aldetik, eta adingabekoen familien edota lege-ordezkarien baimena aurretik jasota:

ADIERAZTEN DU

Ohorerako, Norbanakoaren eta Familiaren Intimitaterako, eta Norberaren Irudirako Eskubidearen Babes Zibilari buruzko maiatzaren 5eko 1/1982 Lege Organikoan ezarritakoa betetzeko,

BAIMENA EMATEN DIEGU, BERARIAZ, Beldur Barik lehiaketan parte hartzeko, emakumeen aurkako indarkeria prebenitzeko antolatua, eta lehiaketaren oinarriak onartzen ditugu.

Ados gaudela adierazteko hori guztia sinatzen dugu

.....n, .....(e)ko .....aren .....(e)(a)n